

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea  
Obtinenda Requisitis ...

**Leuren, Peter**

**Coloniæ Agrippinæ, 1704**

366. An residere teneantur habentes beneficia parochiala.

---

[urn:nbn:de:hbz:466:1-74477](#)



## SECTIO TERTIA.

De oneribus, seu obligationibus, de que juribus ac emolumentis beneficiorum.

### CAPUT PRIMUM.

#### DE ONERIBUS BENEFICIATORVM.

##### PARAGRAPHVS I.

De onere residendi curatorum.

*Questio 363. Quid sit residentia, & residere?*



Espondeo: Residentia, prout sumitur in titulo de Clericis non residentib. in Ecclesia, vel prebenda, qui est tit. 4. l. 3. est praesentia persona in loco beneficii, seu apud Ecclesiam ad effectum illi deserviendi. Lott. l. 3. c. 27. num. 1. cum Gloss. in c. conquerente. de Cleric. non residentib. proinde residens in dicto sensu dicitur, qui ibi praesens est, non casualiter, sed constituto domicilio, utibi perpetuo sit ad curandum beneficium, eique inserviendum. Lott. loc. cit. à num. 2. cum Card. in clem. unic. de foro comp. in princip. num. 22. & Cujac. in princ. ad tit. de Cler. non resid.

*Questio 364. Quotuplex sit hac residentia?*

Espondeo: Alia est merè voluntaria, ubi quis v. g. in Ecclesia habet sedem honorariam sine aliqua fructuum perceptione, ut Lott. loc. cit. n. 30. ex Seraph. decis. 1452. num. 2. alia necessaria. Et hac dividitur in praecisa, & causativa; praecisa dicitur, quando residentia est inseparabilis à titulo beneficii, ita ut non possit retineri beneficium ab eo, qui non residet. Causativa est, quæ à titulo separabilis est, ita ut illum quis habere & retinere possit absque eo, quod residat, quamvis ex causa cogi possit ad residendum. Lott. loc. cit. num. 31. Neque tamen etiam residentia causativa sola discontinuitatem admittit, sed & praecisa quandoque licet discontinuari ad tempus potest. Lott. num. 32. cum, ut Idem loc. cit. num. 5. terminus ille residere in hac materia non ita amare sit accipiens, ut non liceat aliquando ex justa causa à loco beneficii recedere, ut patet ex sequentibus questionibus.

*Questio 365. Quæ sit causa efficiens residentia praecisa?*

Espondeo: esse eam vel ius commune, v. g. respectu curæ animarum beneficio incumbentis vel ius singulare, puta statutum Ecclesia alicujus, aut fundatoris, privilegium, aut consuetudinem approbatam. Lott. loc. cit. num. 35. & 36. ubi etiam, quod maxima differentia sit inter utramque hanc causam & effectum, nempe obligacionem residendi hinc dimanantem, dum una à jure divino, adeoque indispensabili, altera ab humano, adeoque pro arbitrio legislatoris remissibilis profuat.

*Questio 366. An residere teneantur habentes beneficia parochialia, seu propriè & strictè curata, quibus incumbit jurisdictione fori penitentialis, & onus administrandi sacramenta, prædicandi verbum DEI, &c.*

1. Espondeo ad primum affirmativè cum communi: nullaque est ratio dubitandi quoad Parochos, quoties principaliter, atque in titulum in Ecclesia cum utraque actuali & habituali cura provisi sunt: secus est, ubi de cura tantum habituali agitur, quæ resultat ab unione accessoriè facta alicui dignitati vel beneficio cum deputatione Vicarii; siquidem possessori talis dignitatis vel beneficii ea solum incumbit necessitas residendi, quæ inest ipsi dignitati vel beneficio principali. Card. de Luca ad Trident. d. 4. num. 11. Idem omnino est de Episcopis ad personaliter residendum non secus ac aliis Pastores, & curatores animarum obligatis; neque enim inter hos differentiam faciunt DD. aut jura, ut videre est in Tridentin. sessione 23. c. 1. & constitutione Pii IV. quin & multo magis ad hoc obligari eos, qui utramque curam, hoc est, præter jurisdictionem fori interni, etiam fori externi jurisdictionem exercent, ut sunt Episcopi, similesque superiores, testè ait Filiuc. tr. 4. c. 6. num. 27.

2. De cætero extenditur hac obligatio residenti ad parochos, etiamsi parochia sit tenuis. Paxjord. l. 10. tit. 40. num. 43. citans Rebulf. in praxit. de nominat. q. 9. n. 29. Reginald. in praxi. l. 30. num. 291. Barb. de offic. Paroch. c. 8. num. 4. &c. Quin etiā ubi tres vel quatuor tantum incole manerunt. Paxjord. ibid. citans Garc. 3. p. 62. n. 179. secus

secus tamen si parochialis in totum definit habere parochianos, & dicitur curata habitu tantum. Paxjord. *ibid.* & ab eo citati Garc. & Barb. Item ad eos, qui obtinuerunt Coadjutorem, vel Vicarium, etiam perpetuum ratione infirmatis, senii, alteriusve impotentia. *Garc. num. 173.* *Barb. loc. cit.* *Paxjord. num. 48.* neque enim Papa censetur dare Coadjutorem ad eximendos eos omnino à cura animarum, & residendo, sed ut eos adjuvet; per dationem enim Coadjutoris non transfertur tota cura animarum in Coadjutorem, ablata Parocho administratione. *Garc. num. 174.* Secùs tamen est, ubi tota cura animarum, quatenus Parochus curam animarum amplius exercere nequit, translata fuisset legitimè in solum Vicarium perpetuum. *Garc. num. 175.* citans plures desuper S. Congregationis declarationes. Item ad Vicarios tam temporales, quām perpetuos; nam & his congruente, quā circa hoc onus, ac modum residendi de Parocho disposita sunt. *Card. de Luca ubi supra.* Item juxta Paxjord. *num. 44.* qui pro hoc citat Barb. ad eos, qui obtinent Ecclesiam baptismalem, cui sola baptizandi omnes infantes oppidi cura incumberet; censentur enim Coadjutores curati. Vide desuper decisionem S. Congreg. apud *Garc. n. 167.* Item ad eos, qui parochiale vel beneficium curatum non habent in titulum, sed commendam. *Trid. sess. 6. c. 2.* & *sess. 23. c. 1.* versiculo: *eadem omnino juncto principio ibi: quounque nomine vel titulo praefectos.* *Garc. num. 165.* citans quoque desuper claram S. Congreg. declarationem. Item ad eos, qui habent exercitium cura in Ecclesiis, in quibus cura per plures administratur, quarum beneficia non sunt propriè curata; ut & ad alios habentes alias beneficia simplicia, modò habeant exercitium aliquod cura; nam re & effectu tales habent curam animarum, nec jus divinum attendit subtilitates, sed effectum & substantiam, & *Trid.* loquitur generaliter de beneficiis habentibus curam animarum. *Garc. num. 163.* & seq. Hoc ipsum tamen quod dicitur de beneficiis simplicibus, seu Capellaniis habentibus administrationem, seu exercitium cura, aut onus adiuvandi Rectorem, quod ea obtinentes teneantur ad personam residentiam, id inquam, intelligendum; ubi est ordinatio, seu consuetudo, quod illi eo ipso sint Coadjutores parochi, & absque aliqua licentia ordinari eum adjuvent; Secùs autem est, ubi consuetudo, seu ordinatio est, ut illi, aut servitores eorum, seu Vicarii adjuvent parochum in administratione sacramentorum, maxime, habent licentia Ordinarii; in his enim non requiritur personalis residencia. *Garc. num. 170.* nisi forte est consuetudo, ut per se hoc faciant. De cetero namque ubi Ordinarii licentia debet haberet, parum refert, quod illi per se deserviant, aut per substitutos, cùm ad id per Ordinarium approbari debant. *Garc. num. 171.* & sic habet declaratio S. Congregat. apud *Garc. num. 167.* & seq. quod non teneantur ad residendum Capellani illi Coadjutores Rectorum, qui ex institutione possunt per alium deservire, quod qualiter intelligendum, vide apud *Garc. num. 169.* Denique ad illum, cui in limine adepta possessionis Ecclesiarum parochialis movetur lis in petitorio. *Ricc. in praxi fori Ecc. resol. 393. n. 8.* *Barb. de off. Paroch. nu. 8.* apud Paxjord. *num. 40.* quem vide. exstat desuper responsum S. Congreg. quod recitat *Garc. p. 11. c. 2. num. 121.* his verbis: *Obtinens parochiale per provisionem A-*

*postolicam, habens liberum cura exercitium, & omnium bonorum fructuum ac proventuum ad parochiale pertinentium possessionem, licet in limine adepta possessionis prædictæ motalis fuerit per aliquem in petitorio, tamen tenuerit se promovere facere intra annum, lite pendente, & ad residendum in dicta Ecclesia. &c.*

*Questio 367. Quo jure hi curati residere teneantur?*

**R**espondeo: tam Episcopos, quām parochos, aliisque curatores animarum strictè ac propriè tales teneri ad residendum personaliter in Ecclesiis, quibus præsunt, aut deserviunt, jure non solum humano, nempe canonico, sed & divino ac naturali ratione cura animarum, seu ex quo tententur pascer gregem sibi commissum. *D. Thom. 2. 2. q. 185. a. 5.* & *ibi* fūse Cajet. *Dominic. Soto de just. & jure. l. 10. quaf. 3. a. 1.* *Lefl. l. 2. c. 34. dubit. 29.* *Azor. p. 24. l. 7. c. 4. q. 1.* *Valent. tom. 3. d. 10. q. 3. num. 5.* *Garc. p. 3. c. 2. n. 16.* *Lott. l. 3. q. 27. num. 37.* magno numero referentes pro hoc tam *Theologos*, quām Canonistas; putantque hoc ipsum constare ex *Trid.* *Lefl.* & *Azor.* & alii passim, dum *sess. 23. c. 1.* ait: *cum præcepto divino mandatum sit omnibus, quibus animarum cura commissa est, oves suas agnoscere, verbi DEI predicatione, sacramentorum administratione, ac bonorum operum exemplo pacere, & in cetera omnia pastoralia incumbere, quia omnia nequaquam ab iis prestari & impleri posunt, qui gregi suo non invigilant & assunt, sed mercenariorum more deserviunt.* &c. Dein ethi hoc jus seu præceptum divinum commorandi apud gregem exp̄essim, & signanter fortè in sacris literis constitutum non sit, necessariò tamen & evidenter colligitur ex his, quā scriptura tradit (uti ex iis hoc præceptum utique agnovit Tridentinum) ut dum dicitur *Petro: pasc oves meas & agnos meos.* dum *Salomoni* ait: *Agnosce vultum pecoris tui, tuosq; greges considera.* Et certè ex natura officii pastoralis præceptum tale naturale residendi concluditur, dum in pastore propria cura, labor, industria personæ requiritur, pastorisque sit oves suas cognoscere, ducere ad pacua, eas nominatim vocare, invisiere, sua præsentia solari, quod infirmum est, consolidare, ut loquitur Dominus apud *Ezech.* quod confractum est, alligare, quod abjectum reducere, &c. quā officia cùm præstari ab absente, & per alium commodè nequeant, personalem præsentiam ex natura rei requirunt. vide *Azor. loc. cit.*

*Questio 368. An per consuetudinem fieri possit, ut propriè ac strictè curam habens absit à sua Ecclesia?*

**R**espondeo negativè: cùm consuetudo, quæ est contra jus divinum vel naturale, etiam immemorialis, semper sit corruptela. *Azor. loc. cit.* & plures alii apud *Fagn. in cap. ex parte de Cler. non resid. num. 77.* & in c. cùm omnes. de *confit.* num. 36. *Nihilominus Pirk. irr. de Cler. non resid. num. 14.* per consuetudinem immemorialem ex justa causa induci posse, docet, ut Parochi aliqua curati non teneantur residere in Ecclesiis suis curatis, modò officium pastorale per Vicarium perpetuum, vel etiam amovibilem exerceretur, ita ut grex ex absentia Pastoris seu Rectoris principalis nullum notabile damnum patiatur. citat pro hoc *Abb. in c. ex stirpanda. num. 8.* *Navar. l. 3. confit. 21. de Cler. non resid. num. 4.* *Laym. l. 4.*